



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

VII. De verbis Apost. Qui gloriatur, in Domino glorietur.

urn:nbn:de:hbz:466:1-39254

Domino. Nemo tamen parvi pendat aut dissimulet ista, quoniam et si non mortifera sunt, certe periculosa.

*Ex consensu & delibera-
tione delin-
quere, est a-
nima ossa frä-
gere, & vi-
tam perdere.*

e Exod. 12.8

d Psal. 138.c

e Psal. 101.a

f Job. 19. c

a 1. Cor. 1. d

b Esa. 42. b

c Luc. 2. b

d Psal. 113. b

Desiderium

gloria inna-

tum homini,

e Ebr. 3. d

*Philosophi
gloria lau-*

Intentionem verò & propositum mentis ea sollicitudine custodiamus, fratres, qua vitam animarum nostrarum volumus custodire, quoniam istud omnino est peccatum ad mortem, cum ex consensu & deliberatione delinquimus, proprio iudicio condemnati. Nec ideo sanè id dixerim, ut desperet si quis forte delicti huius sibi conscientia est: sed ut expavescat precipitum, & qui cecidit, adjiciat citius ut resurgat. Noverit enim excidisse se à justitia, quicunque eiusmodi est. Cuius os confractum est & comminutum, noverit præcsum se à corpore Christi: de quo nimur legitur: *Os non comminuetis ex eo.* Unde & in passione sua licet plagi virgarum in livorem decolorata sit cutis, ut livore eius nos sanaremur, licet clavis vulnerata sit caro, & lancea latus eius apertum, ut sanguine eius redimeremur: os tamen non est comminutum ex eo. Propterea & sanctus David: *Non est*, inquit *d occultatum os meum à te quod fecisti in occulto.* Et in alio psalmo *e*: *Ossa*, inquit, *mea ut cremum aruerunt.* Quod tunc fit, cum omnem delectationem boni prorsus amisisse videtur anima, solamque sibi aridæ intentionis fortitudinem reservasse. Et vide ne forte tale aliquid etiam beatus Job pateretur cum diceret *f*: *Pelli mea consumptis carnibus adhæsit os meum*: ut videlicet corrupta affectione vix solam sibi intentionem spiritualis cogitatio vendicaret.

S E R M O VII.

De verbis Apostoli: *Qui gloriatur, in Domino glorietur; seu,
De triplici gloria.*

*V*i gloriatur, in Domino glorietur *a*. Noverat Apostolus gloriam propriam esse Creatoris, non creaturæ, secundum illud: *Gloriam meam alteri non dabo b*; & *Gloria in excelsum Deo, & in terra pax hominibus bona voluntatis c*. Itemque *d*, *Non nobis Domine, non nobis, sed nomini tuo da gloriam.* Sed consideravit rationalem creaturam adeò affectare gloriam, ut aut vix, aut nunquam ab hoc compesci desiderio possit: quippe quæ ad imaginem facta est creatoris. Propterea secundum datam sibi à DEO sapientiam, saluberrimum adinvenit consilium, dicens: *Quandoquidem persuaderi nobis non potest non gloriari; saltem qui gloriatur, in Domino glorietur.* Et considera quantum superexedit Pauli philosophia philosophiam sapientum mundi huius, quæ nimur stultitia est apud Deum *e*. Cum enim nonnullos viderent philosophi alienis delectari laudibus, & gloriam ab invicem querere: qui inter eos fuere præcipui, prudenter adverterunt vanam esse huiuscemodi gloriam & penitus contemnendam. Sed considerantes deinde ac studiosius inquirentes quænam appetenda esset gloria

gloria sapienti, hic jam plane evanuerunt in cogitationibus suis, propriam cuique sufficere gloriam arbitrantes: quasi vero anima quæ à se metipsa esse non potest, à se possit esse beata. Sicut ergo cupidi laudis alienæ tota sollicitudine operam dabant ea operari quæ mirarentur homines & laudarent, sic isti sola ea judicabant sectanda esse, quæ interior arbitter animus approbaret.

*disque avidi,
sed differenter,*

Et hæc quidem summa philosophia sapientium huius mundi est, ipsa quoque minus habens, licet propinquior veritati. Unde & utramque gloriam sublimi veritatis contemplatione transcendens Apostolus: *Qui gloria tur, inquit f, non in altero, non in se, sed in Domino gloriatur:* Et eam quæ veritati videbatur esse vicinior, maiori proinde redarguens sollicitudine, & condemnans certo judicio veritatis: *Non enim, inquit g, qui seipsum com mendat, ille probatus est, sed quem Deus commendat.* Ut quid enim aut de alterius hominis, aut de meo ipsius judicio sollicitus sum, cuius nec vituperio reprobus, nec laude probatus inveniar? Fratres, si me ante vestrum porteret tribunal astare, meritò super vestris laudibus gloriarer. Quòd si vel meo ipsius essem judicandus examine, jure meo ipsius testimonio conten tus, propriis laudibus delectarer: nunc autem cum nec vestro nec meo, sed Dei sim judicio præsentandus: quantæ insipientiæ, imò & infaniæ est, aut in vestro me, aut in meo ipsius testimonio gloriari: præsertim cum ipse sit cuius oculis omnia nuda sunt & aperta, & cui nequaquam opus sit, ut quis ei testimonium perhibeat de homine? Merito proinde Apostolus ipse, vanæ & fallacis gloriæ reprobator, *Mibi, inquit h, pro minimo est ut a vobis judicer, aut ab humano die:* sed neque me ipsum judico. *Nihil enim mihi conscient sum, sed non in hoc justificatus sum:* qui autem indicat me, *Dominus est.* In quibus verbis illud quoque diligenter considerandum est, quòd alienum quidem judicium pro minimo habens, suum quoque nequaquam sequeretur, quamvis non illud adeo pro minimo judicaret habendum. Nemo enim scit hominum quæ sunt in homine, nisi spiritus hominis, qui in ipso est ⁱ, ut comparatione interioris testimonii, exterius omnino pr nihil sit habendum. *Quid enim mihi cum eorum laudibus quibus ignotus sum?* Quod si vel ipse qui in homine est spiritus, omnia quæ hominis sunt nosse posset, profecto sufficeret testimonium eius. Nunc autem pravum est cor hominis, & imperscrutabile ^k etiam sibi ipsi, adeò ut præsentia quoque magna ex parte ignoret, futura vero sua omnino nosse non possit: quia aliquatenus novit præsentia, si non reprehendat nos conscientia nostra, non quidem gloriam, sed fiduciam habemus ad eum, sicut beatus Joannes ait ^l. Cum autem veritatis ipsius quam nihil lateret, sententiam de nobis tenere meruerimus, in ea planè securius poterimus gloriari.

f 1. Cor. 1. d

g 2. Cor. 10. d

*Gloriandum,
non alterius,
aut suipsum
testimoniō: cū
Dei solus ob
noxius sumus in
dicio.*

**h 1. Cor. 4. a*

*Alienis lau
dibus quam
parum fiden
dum.*

i 1. Cor. 2. c

k Jerem. 17. b

*l Ioan. 3. 3.
3. d.*

m. I. Cor. 1. a.

*Quatenus in
hac vita glo-
riari liceat.*

n. Iob. 7. d.

o. I. Cor. 4. b.

p. 2. Cor. 10. d.

*Deus quomo-
dò hominem
commendet.
q. Apoc. 3. d.**r. Psal. 14. b.
Divina cor-
reptio quid in
necis operetur;**Religiosi tri-
pliæ virtus
magis obnoxii.**s. Iob. 9. d.
t. Esa. 64. b.*

Interim vero nolite ante tempus judicare (ait Apostolus ^m) donec venuiat Dominus, qui & illuminabit abscondita tenebrarum. Illa enim perfecta omnino erit & secura gloriatio, cum erit unicuique laus à DEO. Nunc quoque licet non plenariè, licet non sine timore & sollicitudine multa, aliquatenus tamen in Domino gloria mur, testimonium perhibente Spiritu sancto spiritui nostro, quod filii Dei sumus. Hinc enim verè possumus gloriari, quod tantum habemus Patrem, quod maiestati ineffabili cura est de nobis. Unde & Propheta: *Domine, inquit ⁿ, quid est homo quia magnificas eum, aut quid apponis erga eum cor tuum?* Itaque qui gloriatur, jam non in meritis suis glorietur. Quid enim habet quod non acceperit? Si autem accepit, quid gloriatur quasi non acceperit? In eo ergo à quo accepit, glorietur, non quasi ipse magnus sit, sed quia magnificet eum Deus: hoc est, ut in illis quæ acceperit, non quasi ea non acceperit, sed quasi qui ea acceperit, glorietur. Neque enim ait Apostolus, si autem acceperisti, quid gloriaris? sed, *quid gloriaris, inquit ^p, quasi non acceperis?* ut non prohibeat, sed doceat gloriari.

Sed quid sibi vult quod ait, *non enim qui seipsum commendat, ille probatus est, sed quem Deus commendat?* Quis est enim quem in hoc saeculo commendat Deus? Quomodo commendabit veritas eum qui adhuc reprehensibilis invenitur? Deniq; ego, inquit ^q, *quos amo arguo & castigo.* Hæc cine commendatio est tota? Prorsus quantum mihi videtur, ipsa est. Quæ est enim melior & efficacior commendatio, quam diuinæ erga nos testatio charitatis? Testimonium verò amoris eius nullum credibilius, nullum certius in hac vita, quam quod desiderat Propheta, ubi ait ^r: *Corripet me justus in misericordia, & increpat me.* Hæc tamque increpatio, qua jugiter nobis suggerit in occulto spiritus veritatis quid desit nobis; superbiam, negligenciam, ingratisitudinemq; repellit. Quo triplici vitio omne paulominus religiosorum hominum genus periculose laborat, pro eo quod minus attentus cordis aure percipient, quid intus loquatur is, qui neminem palpat, spiritus veritatis. Quod nonnullis exinde provenit (nisi fallor) quod propriæ gloriae cupidi, nulla ratione quiescere possunt, cum in seipsis penitus nihil inventiunt unde possint aliquatenus gloriari. Perfecta autem & secura gloriatio est, cum veremur omnia opera nostra, sicut testatur beatus Job de seipso ^s, & cù. Esaia propheta ^t: *omnes justitias nostras non aliud: quam panum menstruatæ reputandas esse cognoscimus.* Nihilominus tamen confidimus etiam & gloria mur in Domino, cuius misericordia tanta est super nos, ut à gravioribus quidem, & quæ ad mortem peccata sunt custodiat nos, & tam benigne ipsa imperfectionis nostræ delicta & conversationis impuritatem nobis manifestare, & agnitam condonare dignetur, quatenus in humilitate & sollicitudine & gratiarum actione firmiter radicati, jam non in nobis, sed in Domino gloriemur.

SERMO